



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Rua setubal Colmera Dili, Timor Leste
Po Box 275, Telefone: 3323883, info@jsmp.minihub.org
www.jsmp.tl

Face book: jsmp.timorleste

JSMP: Servisu atu garante justisa ba ema hotu...!

Atividade Plenária Parlamentu Nasionál iha 12-13 Janeiro 2015



Bazeia ba observasaun JSMP nian, iha semana primeiru no segundu fulan Janeiro 2015, parlamentu la iha ajenda atu diskuti iha sesaun períodu orden du-dia. Ne'e duni, deputada Josefa Álvares Pereira Soares husu atu meja bele tau prioridade ba lei pendente sira hodi reajenda atu diskuti iha períodu orden du-dia.

Iha Plenária 12 no 13 Janeiro 2015, deputadu sira diskuti asuntu importante sira ne'ebé akontese iha rai laran mak hanesan seguransa, infraestrutura, saúde, transporte no telekomunikasaun, edukasaun no ambiente. Aleinde ne'e, sira mós ko'alia kona-ba proposta lei importante sira ne'ebé sei pendente

inklui proposta lei Institutu da Memoria no proposta Alterasaun ba *Lei Órgãos da Administração Eleitoral* (CNE).

Seguransa

Deputadu sira halo observaun ba situsaun seguransa ne'ebé hahú husi 24 Dezembru 2014 to'o agora rezulta ona ema barak mate no hodi husu ba governu liu-liu ministériu relevante sira atu foti medida represivu hodi prevene asaun kriminál ne'ebé komete husi grupu artemarsiais sira. Deputadu sira mós husu ba polisia atu halo investigasaun ne'ebé profunda hodi kaer autór prinsipal ba kazu oho malu ne'e.

Deputadu sira mós kestiona implementasaun ba rezolusaun ne'ebé fó sai atu taka grupu arte marsiais sira no ejijé ba governu atu implementa rezolusaun ne'e ho sériu no rigirozu.

Infrastrutura

Deputadu sira preukupa ho Estrada Maubisse ba Same, Ainaro no Suai nune'e husu ba Ministériu Obras Pública persija tau atensaun urjente hodi hadi'a estrada sira ne'e para labele fó ameasa ba vida pasajeiru sira bainhira halo viazen ba mai.

Aleinde ne'e, deputadu sira mós husu atu fó sansaun ba imprezáriu sira ne'ebé ezejuta projeitu la ho qualidade iha Estrada Dili laran nian, inklui sansaun ba diretór sira iha Ministériu Obras Pública ne'ebé la hala'o kontrolu ba qualidade ezeкусиаun projeitu sira ne'e.



Saúde

Kondisaun fasilidade Óspital Baucau la di'ak no menus aimoruk atu halo atendimentu ba pasiente inklui ekipamentu Raio X ne'ebé aat durante ne'e hodi difikulta comunidade sira atu konsulta sira nia moras.



Trasporte no Telekomunikaun

Deputadu sira husu ba ministériu refere atu tau fali *traffic light* ka ahi-oan tránzitu no kontrola kareta bo'ot sira ne'ebé tula liu kapasidade hodi estraga Estrada Dili laran.

Ambiente

Lixu iha Dili laran barak no Saniamentu la tau atensaun, inklui fatin área protejidu hanesan foho Fatukama Cristu Rei Dili nian ne'ebé agora dadaun ema halo uma iha ne'ebá no tuir informasaun dehan membru Governu sira barak involve iha laran no sé mak sei responsabiliza hodi autoriza ema bele

halo uma iha fatin protejidu ne'e.



Asuntu Lejizlativu

Parlamentu admitti Segunda proposta Alterasaun ba Lei n^o5/2006, 28 de Dezembro Lei Órgaun Administrasaun Eléitoral (CNE). Lei ne'e baixa ba Komisaun A ne'ebé trata ba asuntu Konstitusionál, Justisa, Administrasaun Públiku, Podér Lokál no Anti-Korrupsaun hodi halo diskusaun iha preliminaríu antes hato'o ba Meja Parlamentu hodi diskuti kle'an.

JSMP observa katak alterasaun sei hala'o de'it ba Artigu 6 kona-ba Estatutu CNE iha alinea 2 kona-ba Subsídium ba membru CNE sira ne'ebé servisu *part time* ka loron baluk no alinea 3 kona-ba subsídium ba membru CNE sira ne'ebé servisu *full time* ka loron tomak.

Deputada Jacinta Abu Cau Pereira no deputadu Estanislau da C. A. M. da Silva husu atu meja bele admite fali proposta Lei

Instituto Memória Pública hodi agenda fali no loka fila-fala diskusaun ba proposta lei ne'e tanba konsidera importansia husi lei ne'e no lei ne'e mak atu fó konsiderasaun no rekoñesementu ba vítima sira hahú husi 1974 to'o 1999.

Asuntu Deklarasaun Inkonsitucionalidade hosi Tribunál Rekursu

Prezidente Parlamentu Nasionál hatan ba deklarasaun Prezidente Tribunál Rekursu nian kona-ba kestaun inkonsitucional iha Artigu 20 no 24 Lei Komunikaun Sosiál nian hodi dehan katak parlamentu konsidera ema hotu iha direitu no liberdade hodi hato'o nia hano'in hanesan sidadaun iha nasaun demokrátiku, maibe sei la fó impaktu ba validade lei ne'e.

Prezidente PN afirma katak parlamentu iha nia desizaun rasik no tuir Konstituisaun parlamentu mak iha kbi'it no kompeténsia atu halo lei. Relasiona ho Lei Komunikaun Sosiál ne'e parlamentu reafirma fali nia votu ho unanimidade husi deputadu 58 ne'ebé marka prezensa nomós



desizaun parlamentu nian lejítimu, tanba eleitu hosi povu.

EVENTU SIRA TUIR MAI :

- Iha 15 Janeiro JSMP, liu husi unidade Relasaun Públiku (Outreach) realiza trenamentu ba lider komunitaria, material Asesu ba justisa.